

瀏陽縣志卷之四十

外紀

天地之大山川之奇以及名物象數之繁制作文  
爲之盛莫不臚列而備陳之矣若夫張皇幽渺又  
有如齊諧諾臯之所志者蓋天下事恍惚離奇不  
可方物理之所無容爲事之所有屏之所以正人  
心存之亦以資博物司馬子長所謂其軼時時見  
於他說者此也志外紀

〔袞伽龍〕道吾志舊傳唐文宗疾大漸榜召醫有白

瀏陽縣志

卷四十 外紀

一

衣老人應召入療疾痊乃奏言曰吾潭州道吾山  
袞伽龍也因勅封白衣袞■老龍王立祠老龍潭  
側并勅賜寺額見寺觀

〔鐵包公〕在縣西江家渡相傳明時有鐵身自湘潭  
韃子嶺飛來獅形山傅君茂構庵覆之

〔銅祖師〕在縣治東昇冲觀俗傳其神耳聾求籤者  
必先摩足趾乃驗至今其跡光瑩異常

〔羽衣人〕縣治東有藥王祠卽昇冲觀素著靈異縣  
尉王禎壻孫某病久夜夢羽衣人自稱孫姓居城

東有療疾藥詰旦遍訪土人俱云城東無孫姓者  
耆民周彥文曰此必藥王也遂偕至昇冲觀見神  
座下有王瓜遽取食之歸而疾愈

〔神女〕〔府志〕明末黎某家有神女降初僅聞聲後輒  
現形雜坐人叢畧無避忌黎惡其妖延朱法師作  
符治之朱云今夕吾當作法於昇冲觀女必昏仆  
汝等須斫以利刃抵暮女方與眾圍爐坐忽仆地  
眾持斧擊之倏不見翼日復來厲聲罵曰我非有  
害於人者何故令道士咒我我必降禍汝家黎益  
恐乃召集僧道作七晝夜功德以謝之醮完之夕  
見女騰身於三丈旛竿上表揭取令旗詣前致謝  
曰吾孝女也請命上帝周游人間遍訪父母暫羈  
於此蒙君薦度吾當從此逝矣言訖飛去

〔彭和尚〕〔府志〕瀏陽有彭和尚能爲偈頌勸人常唸  
佛遇夜燃火炬名香唸偈拜禮愚民信之其徒遂  
眾徐本湖南人姿狀龐厚無他長平時以販布爲  
業往來蘄黃間時遇彭眾欲爲亂思得其主一日  
徐於鹽塘水浴眾見其身上毫光燦起皆驚異之

遂擁僭帝號以蘄春反天下響應東南遂大亂湖廣江西浙江三省城池多陷沒開蓮臺省於蘄春本性寬縱權在黨與後其麾下陳友諒率兵攻臺謀奪僞號遂死采石

**神馬**府志瀏陽大圍山山中相傳有神馬形體異常紅光閃爍出則食禾數畝隱現不常昔人拾得其尾約長七尺餘

**龍子**出道吾山冷泉井狀類蜥蜴邑令禱雨每詣井求取養以淨器置禱雨壇輒應往往入夜潛逸

瀏陽縣志

卷四十 外紀

三

莫覓所踪知縣趙嘉程有龍子行

載藝文

**伽藍廟**舊傳僧慶諸棲真石霜寺寺前故塑伽藍像一夕鼠竊佛燈油僧語責伽藍翼日鼠斃佛殿僧謂伽藍犯佛戒叱遠寺十里其像頓圮有知府某經瀏夢神告云云某因往寺力飲僧酒意在釋伽藍也僧勿飲令舉空杯相酢僧吟曰老僧若把空杯舉伽藍依舊鎮山門某乃以情請僧允五里今距寺五里許有伽藍廟云

**鹽醋井**在縣西鳳形山木平寺側高廣數尺相傳

石上二窪出鹽醋寺僧嘗取給後欲多取鑿之遂不復出

陳世賢乾隆年間人居南鄉幼孤貧縫衣爲業持齋善事母沒約友人某同攜乾糧往東鄉大光崙祖師巖打坐巖中三日其友餓病賢曰吾固知汝之未脫人間烟火氣也乃以所攜乾糧與之歸賢遂坐化於此遺布袋刀尺其旁至今面目如生

按俗呼陳大仙好事者爲著以冠服相傳大仙靈異能禍福人乃祈禱紛然夫天道福善禍淫凡鬼神不得違天而降之災祥不事修省禳惑甚矣也况乞靈於坐亡立化之形骸哉嗚呼甚矣